

Isumaginninnermik suliaasaqarfimmi pissaanermik atuineq pillugu Inatsisartut inatsisaat allanngortinneqarneranik Inatsisartut inatsisaat (Inatsisip kalaallisut oqaasertaani § 20, imm. 1-imi, § 31, imm 4-mi aamma § 36, imm. 5-imi oqaatsitigut erseqqissaaneq)

§ 1

Isumaginninnermik suliaasaqarfimmi pissaanermik atuineq pillugu Inatsisartut inatsisaanni nr. 1, 21. novembari 2013-meersumi, Inatsisartut inatsisaatigut nr. 38, 23. novembari 2017-imeersukkut aamma Inatsisartut inatsisaatigut nr. 47, 23. novembari 2017-imeersukkut allannguuteqartoq, imaattunik allannguisoqarpoq:

1. § 20, imm. 1, imatut oqaasertalerneqassaaq:

”Ulloq unnuarlu paaqqinniffinni, matumani ilanngullugit paaqqinniffiit isumannaallisakkat, § 5 malillugu timikkut pissaanermik atuinnermi, matumani ilanngullugit pinerluttulerinnermi inatsimmi kapitali 2 malillugu allatut ajornartumik illersuisariaqalernermi aamma ajornartuulernermi pisinnaatitaanermi ulloq unnuarlu paaqqinniffup pisortaata taassumaluunniit sinniisuata paasissutissat tulluuttut nalunaaruteqarnermut immersugassamut siunertamut tamatumunnga suliarineqartumut nalunaaquttap akunneri 24-t qaangiutsinnagit nalunaarsussavai:

- 1) meeqqap aqqa qassinillu ukioqarnera,
- 2) akuliunnermi piffissap qanoq ilinera,
- 3) akuliunnerup qanoq sivilutiginera,
- 4) akuliunnerup qanoq ittuunera, aamma
- 5) akuliunnermut tunngavilersuutit.”

2. § 31, imm. 4, imatut oqaasertalerneqassaaq:

“ Imm. 4. Najugaqarfittut ulluuneraniluunniit neqeroorummi pisortap, imaluunniit sulisup, pisortamit taamatut iliornissamut piginnaatinneqartup matunik ammaassutit immikkut ittut inuup ataatsip arlallilluunniit atorsinnaagai kommunalbestyrelse aalajangiisinnaavoq, imaappat:

- 1) inuup inuilluunniit arlallit najugaqarfittut ulluuneraniluunniit neqeroorummik qimatsinermigut/qimatsinermikkut timikkut annertuumik ajoqusernissamut immiut allanilluunniit ulorianartorsiortitsilernissaa aarlerinaateqarpat,

- 2) aarlerinaatip tamatuma pinngitsoortinnissaanut pisuni ataasiakkaani pissutsit tamanna
pisariaqartilluinnarpassuk, aamma
3) Inatsisartut inatsisaanni periarfissat sinneri kinguneqanngitsumik atorneqareersimappata.”

3. § 36, imm. 5 ima oqaasertalerneqassaaq:

“ Imm. 5. Imm. 2 naapertorlugu kommunalbestyrelsip aalajangiinera lsumaginninnermi
Naammagittaalliuteqartarfimmut naammagittaalliutigineqarsinnaavoq. § 42, imm. 4 malillugu
kommunalbestyrelsip aalajangernera kredsrettip ivertitaanit nakkutilliisumit isumaqatigineqanngippat,
pineqartup imm. 2 naapertorlugu najugaqarfissatut neqeroorummot aalajangersimasumut tigutinnissaa
nuunnissaaluunniit aalajangiiffigeqqullugu kommunalbestyrelsip llaqutariinnermut Naalakkersuisumut
inassutigissavaa.”

§ 2

Inatsisartut inatsisaat ulloq 1. januaari 2020-mi atuutilissaaq.

Namminersorlutik Oqartussat, ulloq 7. november 2019

Kim Kielsen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut

